

Izjava Privremene upraviteljice Hercegovačke banke

Privremena upraviteljica Hercegovačke banke, Toby Robinson, veoma je zabrinuta činjenicom da nasilni napadi poduzeti prošlog petka protiv Privremene uprave stvaraju sve veći rizik za dionicare i stediše te banke.

Cinjenica je da Privremena upraviteljica ima legalnu upravu nad bankom u skladu sa zakonima Federacije BiH, što znači da je upraviteljica odgovorna onim osobama i institucijama, od kojih su mnoge javne, čiji je novac položen u tu banku. Ta odgovornost nalaze puni i neometan pristup koji upraviteljica mora imati banci i svim njenim spisima kako bi poduzela potrebne korake.

Taj joj pristup, međutim, do sada nije bio omogućen. Upraviteljici je, kao jedinom legitimnom autoritetu, do sada bio onemogućen vitalni pristup, potreban da bi banka nastavila s radom.

Za bankarske krugove je rad Hercegovačke banke za sada suspendovan, što znači da ostale banke ne mogu i ne žele poslovati sa Hercegovačkom bankom i da se nikakve transakcije ne mogu obavljati. Samo je zakonski imenovana privremena upraviteljica ta koja može poduzeti korake kojima bi se ova situacija prevazisla, ali samo onda kada joj se omogući potpun i neometan pristup banci i njenoj dokumentaciji.

Sve dok se svi ne počnu ponasati u skladu sa zakonom, ne postoji niti jedan pravni i praktični mehanizam koji bi mogao omogućiti Privremenoj upraviteljici da pruži usluge komitentima banke koje su im prijeko potrebne.

Privremena upraviteljica i dalje je zabrinuta zbog činjenice da će rad mnogih javnih institucija i službi biti ugrožen u skoroj budućnosti. Pravno i praktično je nemoguće deblokirati bilo koji račun otvoren kod Hercegovačke banke.

Privremena upraviteljica savjetuje svim vlasnicima računa u Hercegovačkoj banci da bez odlaganja otvore račune kod drugih banaka kako bi nastavili obavljati svoje transakcije.

Saopćenje za javnost, 12. april 2001. god.